



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅԻՐ

(ՀՀ, համայնք Երեւան, Ազաֆնայի, ՀԱԼԱԲՅԱՆ Փ., շենք 41Ա, 10-րդ հարկ)



ՈՐՈՇՈՒՄ

Հայցադիմումը վարույթ ընդունելու և պատասխանողից
ապացույցներ պահանջելու մասին

ԵԴ2/3283/02/24
2 Մայիսի 2024թ

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը նախագահությամբ դատավոր Նաիրա Ավետիսյանի, ծանոթանալով «Սոֆոն» ՍՊ ընկերության կողմից ներկայացված հայցադիմումին և կից փաստաթղթերին.

ՊԱՐԶԵՑ

«Սոֆոն» ՍՊ ընկերությունը դատարան է ներկայացրել հայցադիմում ընդդեմ «Երևանի Սիսիթար Հերացու անվան պետական բժշկական համալսարանի հիմնադրամ» ՀՄ-ի՝ «Երևանի Սիսիթար Հերացու անվան պետական բժշկական» հիմնադրամի ռեկտորի՝ «Սոֆոն» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին 04.04.2024թ.-ին կայացված թիվ 09/492 որոշումն անվավեր ճանաչելու (վերացնելու) պահանջի մասին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում: Նույն հոդվածի 2-րդ մասի համաձայն՝ Հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին: Նույն հոդվածի 3-րդ մասի համաձայն՝ Ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում: Նույն մասի երկրորդ պարբերության համաձայն՝ նախատեսված ժամկետում պատասխանողի կողմից

ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Ուսումնասիրելով ներկայացված հայցադիմումը, կից փաստաթղթերը, գտնում եմ Հայցադիմումը ներկայացված է ՀՀ քաղաքացիական դատավարության օրենսգրքի 120-122, հոդվածների պահանջներին համապատասխան, առկա չեն հայցադիմումի ընդունումը մերժելու կամ այն վերադարձնելու հիմքերը, հետևաբար այն պետք է ընդունել վարույթ:

Միաժամանակ, Պատասխանողից պետք է պահանջել դատարան ներկայացնել տվյալ գնման գործընթացի հետ կապված իր տիրապետման տակ գտնվող բոլոր ապացույցները:

Ղեկավարվելով ՀՀ քաղաքացիական դատավարության օրենսգրքի 124, 125, 199-200 հոդվածներով՝ դատարանը

ՈՐՈՇԵՑ

1. «Սոֆոն» ՍՊ ընկերության հայցադիմումն ընդդեմ «Երևանի Մխիթար Հերացու անվան պետական բժշկական համալսարանի հիմնադրամ» ՀՄ-ի՝ «Երևանի Մխիթար Հերացու անվան պետական բժշկական» հիմնադրամի ռեկտորի՝ «Սոֆոն» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին 04.04.2024թ.-ին կայացված թիվ 09/492 որոշումն անվավեր ճանաչելու (վերացնելու) պահանջի մասին, ընդունել վարույթ:

2. «Երևանի Մխիթար Հերացու անվան պետական բժշկական համալսարանի հիմնադրամ» ՀՄ-ից պահանջել դատարան ներկայացնել գնման գործընթացի հետ կապված իր տիրապետման տակ գտնվող բոլոր ապացույցները:

3. Ապացույցներ պահանջելու վերաբերյալ որոշումը պատասխանող «Երևանի Մխիթար Հերացու անվան պետական բժշկական համալսարանի հիմնադրամ» ՀՄ-ի կողմից պետք է կատարվի սույն որոշումը ստանալուց հետո՝ հնգօրյա ժամկետում:

4. Որոշումն ուժի մեջ է մտնում կայացման պահից և բողոքարկման ենթակա չէ:

Դատավոր՝ Նաիրա Ավետիսյան